

李氏支譜源流

李伯益之裔世爲大司理以官爲姓曰理至商老子生於李
樹下改理爲李至漢太傅李固稱大儒鄴水侯李膺號龍門
乃固之後傳至李嵩事東晉得功封武昭王據酒泉爲西涼
國王嵩生欽欽生重耳重耳生熙熙生天錫天錫生虎事北
朝西魏有功封隴西公虎生炳更事後周得功封唐公周亡
事隋炳生淵襲父爵征伐得功封丞目已而進爵封唐王受

傳至哀宗召福正言嚴生

何得謂皋陶庭堅不祿

李本皋陶後皋陶字庭堅高陽氏才子八人之一唐虞時
官大理子孫氏其官殷末理利貞避紂苦縣宅李樹下因
改理爲李其以李爲伯益後者誤於羅氏路史也老子生
於李下特指李爲姓非改理爲李然胎居八十載剖脅而
生半屬史家之茫昧礙難據證漢之鄴水龍門載諸史冊
者彰彰矣至西涼公李嵩領秦涼二州牧晉安帝義熙元
年遣使上表二年徙都酒泉觀其手戒諸子書曰從政當

審慎賞罰勿任愛憎近忠正遠佞諛勿使左右竊弄威福
毀譽之來當研覈真僞聽訟折獄必和顏任理慎勿逆詐
意必輕加聲色務廣諮詢吾蒞事五年雖未能息民然事
任公平然無欺計近則如不足經遠乃爲有餘此書謹
厚仁恕深得爲治大體虎之封隴西淵之興唐其以此乎
始祖伯順公以天官致仕居南昌豐城至今而派衍於長
湘瀏甯四邑祖澤未有艾也聊案數語以俟後之參考云

